



29. oktober 2015

Inatsisartut Suleriaasianni § 37 naapertorlugu Naalakkersuisunut apeqquq imaattoq matumuuna saqqummiuppara:

**Naalakkersuisunut apeqqutit suaiaqatigiit meeravissiarthaartarnerat aamma anaanaaqataasarnissaat pillugu:**

**1. Meeravissiarthaartarneq aamma anaanaaqataasarnissaq pillugu suaiaqatigiit pisinnaati-taaffii pillugit danskit naalakkersuisuinnik isumaqatigiinniarneq sumummita killippa?**

(Inatsisartunut ilaasortaq Justus Hansen, Demokraatit)

### **Tungavilersuut**

Ulloq 8. juni suaiaqatigiit meeravissiarthaartarnerannut anaanaaqataasarnissaannullu tungasoq apeqquikka akineqarput. (Apeqquq normu 135/2015). Akissummi takuneqarsinnaavoq Danmarkimi folketingimut qinersisoqarnera pissutigalugu isumaqatigiinniarnerit unitsinneqarallarsimasut.

Tigussaasumik Naalakkersuisut akissummini ima allapput:

*"Ilaqutariinnermut inatsisit ataatsimoortut maajip ulluisa 26-anni Inatsisartunit isumaqatigiisunit akuerineqarmata Naalakkersuisunit nuannaarutigineqarpoq. Inatsisit ataatsimoortut suaiaassuseqatiminnoortartut pisinnaatitaaffiit nukittuiffiusunik imaqarput, suaiaassuseqatiminnoortartut oqaluffimmi katinnissaq pisinnaatitaaffigilermassuk. Kisiannili Inatsisartut inatsit akuerimassuk, aqagukku Danmarkimi statsministeri Helle Thorning-Schmidt folketingimut qinersisoqarnisaanik nalunaaruteqarpoq. Taamaattumik inatsisip atuutilernissaa kinguartineqarpoq. Tamatum kingunerisaanik inatsiseqarnermi suaiaassuseqatiminnoortartut pisinnaati-taaffiit pitsannguiniarluni inatsisitigut suliniutaasinnaasuni allani danskit naalakkersuisuisa nutaat inissinnissaat utaqqineqartariaqarpoq, suliassaqarfik taanna akisussaaffigilerlugu tiguneqarsimangimmat."*

Danskit naalakkersuisui nutaat sulillutik aallarereerput taamaattumik isumaqarpunga pissusisamisoortoq qinnutigissallugu suaiaqatigiit atungaat pitsanngorsarniarlugit suleqatigiinnermi suliap killiffia sumiinnersoq.

Apeqququtima ullut suliffiit naliginnaasut qulit iluanni akineqassasoq kissaatigaara.